



Ka Mopresidente Thomas S. Monson

"Ga Ke kake Kago Tlholo, kana Kago Tlogela"

Rraetsho yo o kwa Legodimong . . . o itse gore re ithuta gape re gola le go nna thata jaaka fa re lebagana le go tshela re feta diteko tseo re fetang go tsone.

Mo jenaleng yame gompiano, Ke tlaa kwala, "Se e nnile nngwe ya sebaka sa khonferense ya kakaretso se se thothleleditsweng go gaisa sepe fela se Ke kileng ka se tsenelela Sengwe le sengwe e nnile se se golo le go gaisa ka tlhologo ya semoya."

Barwarre le bokgaitadiake, dikgwedi tse thataro tse di fitileng jaaka fa re ne re kopane mmogo mo konferenseng ya kakaretso, mogatsake yo o molemo, Frances, o ne a robaditswe kwa sepatela, a sena go golafala go tsweng mo go weng mo go masisi malatsinyana fela a a neng a satswa go feta. Ka Motsheganong, morago ga dibeke a sena go kgara-tha ka bopelokgale go fenyha dikgobalo tsa gagwe, o ne a nwelela mo bosakhutleng. Tatlhegelo ya gagwe e nnile e tona thata. Ene le Nna re ne re nyalane mo Tempeleng ya Salt Lake ka Phalane 7, 1948. Ka moso e ne e

kabo ele ipelole ngwaga wa lenyalo la rona wabo 65. E ne ele moratiwa wa botshelo jwame, motshepiwa wa tlotla wame, tsala yame e e gaufi thata. Go re ke mo tlhwaafaletse ga go simolole go bontsha maikutlo a a boteng a ame.

Konferense e e tshwaya dingwaga tse 50 ke nne Ke sale ke bileditswe go khoramo ya Baaposetole ba ba Lesome le Bobedi ke Mopresidente David O. McKay. Ka dingwaga tsena tsothle Ke ntse Ke sa utlwe sepe fa ese thotloesto e e tletseng ka botlalo ya mmati wa me yo o molemo. Mogo sa balegeng ke ditlhabelo tseo a di dirileng gore Ke tle ke kgone go diragatsa pitso yame. Ga Ke ise Ke ke ke utlwe lefoko la go ngongorega gotsweng go ene jaaka gantsi Ke ne ke tlhokega gore ke nne le malatsi a mantsi fa gongwe dibeke kgakala le ene le mo baneng. E ne ele moe-ngele tota.

Ke eletsa go fa malebogo ame, gape go bao ba eleng ba lelwapa lame, mo loratong le le makatsang le le ntshitsweng leo le tileng go rona e sale Frances a tsamaya. Dikarata tse di makgolo le makwalo a ne a rometswe go tsweng go dikologeng lefa-tshe a a fa tlotlo go ene le kgomotso go lelwapa la rona. Re ne ra amogela paakanyetso ya bontle jwa dithunya. Re fa ditebogo go dineelelo tse dintsi tseo di filweng ka leina la gagwe go Neo ya Kakaretso ya Mmishene wa Kereke. Mo Kemong ya bao ba re tlogetseng, Ke fa ditebogo tsa boteng go bopelontle jwa lona le maikutlo a a kgomang pelo.

Mo go nkgomoditseng le go fetsa mo sebakeng se sa nako e e boleta ya kgaogano e nnile bopaki jwame jwa efangele ya ga Jeso Keresete le kitso e Ke nang le yone ya gore Frances moratwa wame o ntse o a tshela. Ke itse fa kgaogano ya rona ele ya nakwana. Re ne re konoteletswe mo ntlong ya Modimo ke mongwe yo o nang le tletla ya go tshwaraganya mo lefatsheng le kwa legodimong. Ke itse gore re tlaa kopantshiwa letsatsi lengwe mme ga rene gape re kgaogana gape. Se Ke kitso eo e dirang gore Ke tsewelele.

Barwarre le bokgaitadiake, go ka nna ga akarediwa gore ga go ope motho yo tshedileng gotlhelele kwa ntle ga tshotlego le kutlobotlhoko, kana ga gona sebaka mo ditsong tsa batho tseo di nnileng di sena kabelo ya kgoberego le bosula.

Fa tselana ya botshelo e tsaya phekelo e sele, gona le thaelesego ya go botsa potso e "Ke eng ele nna?" Ka dinako tse dingwe go bonagala go sena lesedi kwa pheletsong ya

kgabaganyo, go sena tlhobo ya letsatsi go emisa lefifi la bosigo. Re ikutlwa re dikologilwe ke go swabi-siwa ke go nyelega ga ditoro tseo di phatlakanyeng le go nna ka tlhobanelo ya go phimoga ga ditsholofetso. Re kopana mo go begeng kopo ya baebele e e reng, “A ga gona setlolo sa phodiso kwa Gilead?”¹ Re ikutlwa re tlogetswe, re thobegile dipelo, re le nosi. Re na le gore re itebe ka borona re bone go tlhoka masego ga rona ka galase e e tlhakatlhakaneng ya go akanya ka bosenang molemo. Re nna re sena bopelotelele re batla karabo go mathata a rona, re lebala gore gantsi boleng jwa selegodimo jwa go nnaka bopelotelele bo a tlhokafala.

Go palega mo go tlang go rona go re fa teko e e tshelang ya kgonego ya rona go itshokelela pele. Potso ya motheo e nna e emetse go arabiwa ke mongwe le mongwe wa rona: A Ke tlaa tlholwa, kgotsa a Ke tla fetsa? Bangwe ba a tlholwa jaaka fa ba ipona ba sa kgone go golela godimo ga dikgwetlho tsa bone. Go fetsa go amana le go itshokelela kwa bokhutlong jwa botshelo ka bo bone.

Jaaka fa re akanya thata ka ditiragalo tseo di ka di diragalelang, re ka re le Jobe wa bogologolo, Motho o tsalelwa mo mathateng.”² Jobe e ne ele monna yo o “tletseng ele mosiami mogolo” yo o neng a “boifa Modimo, a thibogela bosula.”³ Pious mo maitsholong a gagwe, o ne a atlega mo dikhumong tsa gagwe, Jobe o ne a tshwanetse go itebagana le diteko tseo di neng di kanna tsa senya mongwe fela. A kgaletswe ditsompelo tsa gagwe, a tshagwa ke ditsala tsa gagwe, a bogisigilwe ke tshotlego tsa gagwe, a phatlhakantswe ke tatlhagelo ya lelwapa la gagwe, o ne a kgoromeletswa go “fa Modimo dikgaba, mme a swe.”⁴ O ganne thaelo e mme a bega gotsweng ga moya wa gagwe wa segosi:

“Bonang, bosupi jwame bo kwa legodimong, mme pego yame e kwa godimo.”⁵

“Ke a itse gore morekolodi wame o a tshela.”⁶

Jobe o ne a tshegetsatsa tumelo. A re ka se dire fela jalo jaaka fa re bo re lebagana le dikgwetlho tseo e tlaabong ele tsa rona?

Nako epe fela fa re ikutlwa re ketefaletswe tlase ka mabole a botshelo, tla re gakologelweng gore ba bangwe ba fetile motseleng e e tshwanang, ba itshokile, mme bane ba fenya.

Ditso tsa Kereke mo, tebalebong ya dinako tsa botlalo, e tletse ka maitemogelo a bao ba ba sokotseng mme ba nnile ka tsisibalo gape ba na le boipelo. Lebaka/ Bane ba dirile efangele ya ga Jeso Keresete legare la botshelo jwa bone. Se ke seo se tlaa re gogang gotsweng sepe seo re tlaa kopanang naso. Re tlaa nna fela re nna le maitemogelo a dikgwetlho tse di thata, mme re tlaa kgona go itebagana natso, go kopana le tsona ka phatla, le go tswa rele bafenyi.

Gotsweng bolaong jwa botlhoko, gotsweng mosamong o o metsi ele dikeledi, re a tsholelediwa go leba kwa legodimong ka netefatso ya selegodimo le tsholofetso ya boleng: “Ga kena ke lo tlholwa, kana ke le tlogela.”⁷ Kgomotso e e ntseng jaana ga e na tlhathlwa.

Jaaka Ke tsamaile kgakala le ka bophara mo lefatsheng ka bophara ke diragatsa maikarabelo a pitso yame, Ke ne ka tla go itse dilo dile dintsi—e seng fela bonnye jwa gore gosa itumeleng le go sotlega go lobopong Ga ke kake ka simolola go kala dipelo tse di thubegileng le kutlobotlhoko eo Ke e boneng jaaka Ke ne Ke etela bao ba ba neng ba itebaganye le selemo, ba itemogela bolwetsi, ba itebagantse le tlhalo, ba sokola ka ngwana wa mosimane kgotsa ngwanyana yo o itaolang, kgotsa ba sotlegela maduo a bolelo. Palo e ka tswelela go isa kwa pele pele, go nne go na le mathata a mantsi ao a ka e balweng ao a a kare amang. Go fa sekai sele sengwefela go thata, mme fa Ke akanya ka dikgwetlho, dikakanyo tsame di ya kwa go Mokaulengwe Brems, mongwe wa moruti wa Sekolo sa Tshipi sa bosimaneng jwame. E ne ele leloko la Kereke lele boikanyego, monna

wa pelo ya gauta. Ene le mogatse, Sadie, bane ba nale le bana bale borobabobedi, bontsi jwa bone bane bana le dingwaga tse di tshwanang le balelwapa la rona.

Morago ga Frances le Nna re sena go nyalana mme ra tswa mo wateng ya rona, re ne ra bona Morwarre le Kgaitadiaarona Brems le maloko a lelwapa la bone kwa manyalong le kwa diphitlong, fela le kwa meketeng ya bokopano jwa wate.

Ka 1968, Mokaulengwe Brems o ne a lathegelwa ke mogatse, Sadie. Bana ba gagwe ba babedi go tsweng mo go ba ba robang bobedi le bone bane ba tlhokafala fa dingwaga dintse di tsamaya.

Letsatsi lengwe mo dingwageng tse di gaufi le 13, ngwana wa ngwana yo motona wa Mokaulengwe Brem o ne a nteletsa. O ne a ntlhalosetsa gore rraagwemogolo o fitlhile mo ngwageng wa matsalo a gagwe a bo 105. O ne are, “O tshela mo tlhokomelong ya legare e nnye mme o kopana le lelwapa la gagwe lotlhe Sontaga mongwe le mongwe, koo a fang thuto ya efangedi.” O ne a tswelela, “Sontaga o ntseng a feta, Nstatemogolo o ne a bega go rona gore, “Baratiwa, Ke ya go tlhokafala beke e. A ko ka tsweetswe lo bitse Tommy Monson. O tlaa itse gore o tshwanetse go dirang.”

Kene ka etela Mokaulengwe Brems mantsiboeng a a neng a latela. Go ne go le lebaka lo lo leele ke sa mmone. Ke ne ke sa kgone go bua le ene, go nne o ne a latlhegetswe ke go utlwa. Ke ne ke sa kgone go mo kwalela molaetsa gore a o bale, gonne o ne a latlhegetswe ke pono. Ke ne ka bolelelwa ke balelwapa gore ba buisanya le ene ka go tsaya monwana wa letsogo la gagwe la moja mme ba kwale mo seatleng sa letsogo la gagwe la molema leina la motho yo o mo etetseng. Molaetsa ope fela o ne o tshwanelwa ke go diragatswa fela jalo. Ke ne ka sala morago tsamaiso ka go tsaya monwana mme ka peletsa T-O-M-M-Y M-O-N-S-ON, leina leo ka lone a saleng a nkitsile ka lone. Mokaulengwe Brems o ne

a simolola go itumela mme, o ne a tsaya matsogo a me, mme a a baya mo tlhogong ya gagwe. Ke ne ka itse keletso ya gagwe gore ene ele go fiwa tshagofatso ya boperesiti. Mokgweetsi yo o neng a nkisitse go yeng kwa legareng la lefelo la tlhokomelo o ne a mpata jaaka rene re baya matsogo a rona mo tlhogong ya Mokaulengwe Brems mme re fe tshagofatso eo e neng e eleditswe. Morago ga moo, dikeledi dine tsa tshologela gotsweng kwa matlhong a gagwe ao a neng a sa bone. O ne a ngaparela matsogo a rona ka malebogo. Lentswa a ne a sa utlwa tshagofatso eo re mo e fileng, Moya o ne o nonofile, mme Ke dumela gore o ne a sedimosetswa go itse gore re mo file tshagofatso eo a neng a e batla. Monna yo o molemo yo o ne a sa kgone go tlhola a bona. O ne a sa kgone go tlhola a utlwa. O ne a beilwe bosigo le motshegare mo kamoreng ya legare la lefelo la tlhokomelo. Mme monyenyo wa sefatlhego sa gagwe le mafoko ao a a buileng a ne a ama pelo yame. “Ke a leboga,” o ne a rialo. “Rraetsho yo o kwa Legodimong o nnile molemo thata go nna.”

Mo go sa feteng beke, jaaka Mokaulengwe Brems a ne a lepule, o ne a tsamaya. Ga a ise ake a gatelele mogo se a se tlhokang; fa eseng fela gore, o ne ka metlha a na le malebogo a a boteng go masego a mantisi a a nang nao.

Rraetsho yo o kwa Legodimong, yo o re fang bontsi jwa se re ka se ipelelang, gape o itse fa re ithuta le go gola gore re nne ka nonofo jaaka fa re itebagana le go tshela diteko tseo re tshwanetseng gore re feta ka tsone. Re itse gore go na le dinako tseo re tlaa nnang le maitemogelo a go thubega ga pelo ele kutlobotlhoko, nako eo re tlaa lelang, le nako eo retlaa lekwang go fela go isa go gotlhe more ka go dirang. Lefa gontse jalo, mathata ao a re letlelela gore re fetoge go nna botoka, go aga seshatshelo a rona ka tsela eo Rraetsho

yo o kwa Legodimong a re rutang ka teng, le gore re nne sengwe se se farologanyeng gotsweng mo go seo reneng rele sone— botoka mo go seo re neng re le sone, re tlhaloganya thata go feta mo re neng re le sone, re le kutlwelobotlhoko thata go tsweng mo re neng le re gone, ka bopaki jo bo nonofileng go gaisa jo re neng rena le bone pele.

Se e tshwanetso gore enne maimemisetso a rona— gore re gatelepele re itshoke, ee, gape go nna ka semoya thata re phatshimisiwa jaaka fa re tsamaela pela go kgabaganya letsatsi le kutlobotlhoko. Fa e ne ese ka dikgwetlho gore re di fenye le mathata gore re a rarabolole, re ka nna ra nna fela jaaka re ntse, ka mo go nnye, kgotsa ka bosenang tswelelopele go iseng dikgeleng tsa botshelo jwa bosa khutlheng. Mmoki o ne a baya kakanyo eo ka go tshwana thata fa a ne are ka mafoko a:

Lepako le le molemo ga le gole ka motlhofo,

Fa sefelo se nonofile, setlhare se a nonofa.

Go iseng lewaping kgakala thata, go nneng ga bophara jo bogolo.

Go nneng ga matsubutsubu, go nneng ga thata e ntsi.

Ka letsatsi le botsididi, ka pula le mouwane,

Mo ditlhareng le mo bathong mapako a a molemo a a gola.⁸

Ke fela Mongwarona yo o itseng boteng jwa diteko tsa rona, botlhoko jwa rona, le tshotlego ya rona. Ke ene ka esi yo o fang kagiso ya bosa khutlheng ka dinako tsa bosula. Ke ene ka esi a kgomang mewa ya rona eo e bogisitsweng ka mafoko a Gagwe ao a fang kgomotso:

“Tlayang go nna, lotlhe ba le berekang mme lo imeleletswe, mme Ke tlaa lo fa phomolo.

“Tsaying joko yame go lona, mme lo ithute ka mo go nna; Go nne Ke bokgwabo mme kele pelo

tlase: mme lo tlaa bona boikhutso go mewa ya lona.

“Go nne joko yame e bobebe, mme makete ame a motlhofo.”⁹

Go sa kgathalesege gore a ke dinako tse di gaisang kgotsa ke ka dinako tse di botlhoko, O na le rona. O re solofeditse gore ga A kitla a fetoga.

Barwarre le bokgaitadiaka, ako reneng le maitlamo go Rraetsho yo o kwa Legodimong yo o a sa fokotsegeng gape a sa tshologeng ka dingwaga kgotsa ka bomadimabe jwa matshele a rona. Ga go tlhokege gore re nne le maitemogelo a mathata gore re Mo gakologelwe, gape ga re a tshwanela gore re isiwe mo boikobetsong gore pele ga re ka Mo fa tumelo le tshepo ya rona.

A ko re lekung ka metlha gore re atumele Rraetsho yo o kwa Legodimong ka bojotlhe jwa rona. Go dira jalo re tshwanetse go rapela go Ene le go reetsa go Ene letsatsi le letsatsi. Ka nnete re a mo tlhoka oura nngwe le nngwe, go sa kgathalesege gore a go letsatsi kgotsa go dipula. A ditsholofetso tsa Gagwe di nne ka lefoko-latebelelo go rona: “Ga Ke kake Kago tlhola, kana kago tlogela.”¹⁰

Ka thata ya moya wame otlhe, Ke fa bopaki jwa gore Modimo o a re rata, gore Morwa wa Gagwe o o Esi o a tshidile mme a re swela, le gore efangele ya ga Jeso Keresete ke lone lesedi leo le le bonesetsang gareng ga lefifi la matshele a rona. A ko go nne jalo ka metlha, Ke a rapela ka leina lele itshepitsweng la ga Jeso Keresete, amene.

DINTLHA

1. Jeremaeya 8:22.
2. Jobe 5:7.
3. Jobe 1:1.
4. Jobe 2:9.
5. Jobe 16:19.
6. Jobe 19:25.
7. Joshua 1:5.
8. Douglas Malloch, “Good Timber,” mo Sterling W. Sill, *Making the Most of Yourself* (1971), 23.
9. Mathaio 11:28.
10. Joshua 1:5.

Dithuto tsa Nako ya Rona

Boperesiti jwa ga Melekhesedeke le Mokgatlho wa Thuso mo Sontageng wa bone o tlaabo o remeletse mo “Dithutong tsa Nako ya Rona.” Thuto nngwe le nngwe e ka baakanyediwa mo puong e nngwe kgotsa dipuo tse di ntsi mo khonforenseng ya kakaretso ya bosheng (bona chate fa tlase). Boporesidente jwa Seteiki le jwa kgaolwana bo ka tlhopha dipuisano tse ditla dirisiwang, kgotsa ba ka neela bobishopo le boporesidente ba makalana maikarabelo ao. Baeteledipele ba tshwanetse go gatelela boleng jwa bakaulengwe mo Boperesiting jwa Melekhesedeke le bakaulengwe mo Mokgatlhong wa Thuso go ithuta dipuisano dile dingwe mo Sontageng yo o.

Bao ba ba tsenelelang dithuto tsa Sontaga wa bone ba rotloediwa go ithuta le go tliša motlung ya borutelo buka ya kgatiso ya khonforense ya kakaretso ya bosheng.

Megopolo go Ipaakanyetsa Thuto go tsweng Dipuisanyong

Rapela gore Mowa o o Boitshepo o nne le wena jaaka o

ithuta le go ruta (di)puisanyo. O ka nna wa raelesega go baakanyetsa thuto eo o dirisa didirisiwa di sele, mme dipuisanyo tsa khonforense di mo togamaanong ya thuto e e letleletsweng. Thomo ya gago ke go thusa ba bangwe go ithuta le go tshela efangele e e rutwang mo khonforenseng ya kakaretso ya bosheng ya Kereke.

Lebelela (di)puisanyo, o senka melawana le dithuto tse dikgotsofalelang letlhoko la maloko a tselase. Gape batla metshameko, kaedi ya dikwalo tsa tumelo, le ditemana go tsweng (di)puisanong tse ditla a go thusang go ruta boammaaruri jo.

Dira methhale ya gore o tla ruta jaang melawana le dithuto tse. Akanyetsa o balela dipotso tseo di thusang maloko a tselase:

- Leba melawana le dithuto mo (di)puisanyong.
- Akanya ka ditlhaloso tsa tsone.
- Abelana go tshaloganya, megopolo, maitemogelo, le bopaki.
- Diragatsa melawana le dithuto tse mo matshelelong a bone.

DIKGWEDI TSE DITHUTO TSE DI RUTWANG KA TSONE	DI DIRISIWA TSA THUTO YA SONTAGA WA BONE
Phalane 2013–Moranang 2014	Dipuisano tseo di filweng ka Moranang 2013 ka khonforense ya kakaretso*
Moranang 2014–Phalane 2014	Dipuisano tseo di neetsweng ka Moranang 2013 ka khonforense ya kakaretso*

* Ka Moranang le Phalane dithuto tsa Sontaga wa Bone, (di)puisano di ka nna tsa tlhotshwa go tsweng mo khonforenseng e e fitileng kgotsa gotsweng mo go e e mo bosheng. Dipuisanyo tse diteng ka (diteme tse difarologanyeng) ko conference.lds.org



Ka Mopresidente Dieter F. Uchtdorf
Mogakolodi wa Bobedi mo Bopresidenteng jwa Ntlha

Tlaya, O Kopane le Rona

*Go sa kgathalese diemo tsa gago, ditso tsa gago ka bowena,
kgotsa thata ya bopaki jwa gago, go na le kamore ya gao
mo Kerekeng.*

Go kile gabo go na le monna mongwe yo a neng a lora ale mo holong e kgolo ko bodumedi jwa lefatshe bo neng bo phuthegile O lemogile gore tumelo ngwe le ngwe ena le dilo tse di lebegang di kgalisa e bile di le molemo.

O kopane le batho babedi ba ba neng ba le baemedi ba Church of Jesus Christ of Latter-day Saints mme ba mmotsa gore e batla eng mo bake-reking ba yone?

“Ga re batle sepe,” ba araba. “Ma-reMorena o re kopa gore re moneele tsotlhe”

Khapole e ne ya tswaledisa ka go tlhalosa ka dineo tse di mo kerekeng, le thuto ya ketelo le ya mogae, mmi-shene wa nako tsotlhe, mantsiboa a mo gae a lelwapa a beke le beke, tiro ya tempele, tirelo ya setho ya botlhomogi, le mekgaphi ya go ruta.

“A le duela batho ba lona ka tiro yotlhe e ba e dirang?” monna a botsa.

“Ao, nyaa,” khapole e ne ya tlhalosa. “Ba fa nako ya bone ka go ithaopa.”

“Gape,” khapole e ne ya tswela, “kgwedi tse thataro bakereki ba rona “Di oura di le lesome tsa batho ba a fa puisanyo?” monna o ne a makala.

“Fa ele tirelo ya lona ya Kereke mo bekeng? Eo sebaka se se kae?”

“Dioura di le tharo, sontaga mongwe le mongwe!”

“he, banna,” monna o ne a bua. “A maloko a kereke ya gago a ba dira tota seo se buileng?”

“Seo le mo go ntsi. Ga re ise ebile re bue ka ditso tsa lelwapa, kampa tsa banana, ditirelo, go ithuta lefoko la tumelo, katiso ya boeteledipele, metshameko ya banana, seminary ya maphakela, go tshegetsa dikago tsa Kereke, gape go na le ka nnete molao wa Morena wa botsogo, go itima dijo ga kgwedi le kgwedi go thusa bathoki, le tsa bo lesome.”

Monna o ne are, ‘Jaanong ke a tsietsega. Ke eng fa mongwe a ka batla go tsena kereke e e ntseng jalo?’

Khapole ene ya a fa monyenyo mme ya re, “Re ne re akanya gore ga o kake wa botsa.’

Ke Eng Fa Mongwe A Ka Batla Go Tsena Kereke e Ntseng Jalo?

Ka nako e dikereke dile dintsi lefatshe ka bophara di nang le maitemogelo a matona a kwelo tlase ya dipalo (tsa maloko), Kereke ya ga Jeso Keresete ya Baitshepi ba Malatsi a Bofelo—etswa ele nnye ka go tshwantshangwa le tse dingwe ka bontsi— ke nngwe ya dikereke tseo di golang ka bofefo mo lefatsheng. Ka Lwetsi 2013 Kereke ena le maloko ale di dikadike tse di fetang 15 lefatshe ka bophara.

Go na le mabaka ale mantsi ka se, mme a Ke lefe a le mokawana?

Kereke ya Mmoloki

Lantlha, Kereke e e ne e puseleditswe mo letsatsing la gompiano ke Jeso Keresete ka Sebele. Fa o tlaa fitlhela tetla go diragatsa ka Leina la Gagwe—go kolobetsa go phimolwa dibe, go fa mpho ya Moya o o Boitshepo, go konotelela mo lefatsheng le kwa legodimong.¹

Bao ba ba tsenang Kereke e ba rata Mmoloki Jeso Keresete mme ba eletsa go Mo sala morago. Ba ipelala mo kitsong ya gore Modimo o bua go motho gape. Fa ba amogela ditlhomotso tsa boitshepo tsa boperesiti mme ba dira dikgolagano le Modimo, ba kgona go utlwa maatla a Gagwe mo matshelong a bone.² Fa ba tsena mo tempeleng e e boitshepo, ba lemoga

gore ba mo pele ga Gagwe. Fa ba bala lefoko la tumelo³ mme ba tshela ka dithuto tsa baporofiti ba Gagwe, ba golela gaufi le Mmoloki yo ba mo ratang thata.

Tumelo e e Tlhaga

Lebaka le lengwe ke ka gore Kereke e fa ditshono go diragatsa bomolemo.

Go dumela mo Modimong go a a kgolega, mme bontsi jwa batho ba batla go dira mo go feteng go reetseng disemone tse di tlhotlheledi-tsweng kgotsa go lora ka matlotlo a bone godimo.⁴ Batla go baya tumelo ya bone mo tiragatsong. Ba ba tla go goga dihemphe tsa bone mme ba nwele mo tirong e kgolo ena.

Mme se ke sere se diragalang fa ba kopana le rona— ba nna le ditshono tse dintsi go fetola ditlente tsa bone, bopelotlhomogi, le nako mo ditirong tse di molemo, Ka gore ga rena morui yo o duelwang wa selegae mo lefatseng ka bophara mo diphuthegong tsa rona, maloko a rona a diragatsa tiro outi ka bo bone. Ba bitswa ka tlhotlheletso. Fa gongwe re a ithaopa, fa gongwe re a “tlhophiwa.” Re bona go fiwa tiro e se makete mme ele tshono ya go diragatsa dikgolagano tsa tseo re ipelelang go di dira go direla Modimo le bana na Gagwe.

Masego a a Tlotliwang

Lebaka la boraro le batho ba tsenang Kereke ke gore go tsamaela tseleng ya borutwana go isa kwa masegong a a boleng.

Re bona kolobetso ele ntlha ya tshimologo mo mosepeleng wa rona wa borutwana. Tsamao ya malatsi otlhe

Bao ba salang morago tsela e ka boikanyego ba thibela gowela mesimeng e mentsi, kutlobotlhoko, le go ikwatlhaya ga botshelo.

Bahumanegi semoyeng le bao ba ba nang le boammaaruri ba bona matlotlo a kitso a magolo fana.

Bao ba ba sotlegang kgotsa ba lela ba bona phodiso fana.

Bao ba ba imelwang ele sebe ba bona go itshwarelwa, kgololesego, le boikhutso.

Go Bao Ba Ba Tlogelang

Go senka boammaaruri go eteletse-pele didikadike tsa batho kwa Kerekeng ya ga Jeso Keresete ya Baitshepi ba Malatsi a Bofelo. Lefa go ntse jalo, go na le bangwe bao ba tlogelang Kereke eo baneng ba e rata pele.

Mongwe a ka botsa, “Fa ele gore efangele e monate thata, ke eng fa ope motho a ka e tlogela?”

Fa gongwe re akanyetsa gore ke ka gorebane ba kgopisitswe ke mongwe kgotsa baditshwakga kgotsa ke ba dira dibe. Tota, ga go motlhofo jalo. Nnete ke gore, ga go na lebaka lele lengwefela leo le leng lone fela mo diemong tse di farologanyeng.

Bangwe ba maloko a bo mma-moratwa ba sokola dingwaga ka potso ya gore a ke gore ba kgaogane gotsweng mo Kerekeng.

Mo Kerekeng e e tlotlang goithophela ga motho mo go nonofileng, eo e neng e buseleditswe ke monna potlana yo o neng a buditse dipotso mme a senka dikarabo, re tlotla bao ka nnete ba senkang boammaaruri. Go re thuba dipelo fa mosepele wa bone o ba tsaya kgakala gotsweng mo Kerekeng eo re e ratang le mo boammaaruring jo re bo boneng, mme re tlotla tshwanelo ya bone ya go obamela Modimo Mogolo ka fa kgogelong ya dikakanyo tsa bone, fela jaaka re batla tshwanelo eo go rona.⁵

Dipotso Tse Disa Arabiawang

Bangwe ba sokola ka dipotso tseo disa arabawang ka dilo tseo di neng di dirilwe kgotsa tseo di builweng tse di fetileng. Re amogela ka phuthologo gore mo dingwageng tse di gaufi le 200 tsa ditso tsa Kereke— go pataganya le mola wa tlhotlheletso eo e neng e sa kgoreletsiwa, ka tlotla, le ka selegodimo sa ditirelo— go na le dilo dingwe tseo di builweng le go diriwa tseo di ka nnang tsa dira gore motho a ipotse dipotso.

Dipotso tse dingwe di tswa ka gore rona ka motlho ga re na kitso yotlhe mme re tlhokana le gore re nne pelotelele. Fa boammaaruri jotlhe bo setse bo itsiwe, dilo tseo

di neng di sa fe tlhaloganyo go rona pele di tlaa bankangwa mo kgotsofatsong ya rona.

Fa gongwe go na le pharologanyo ya kakanyo mo go se tota “nnete” e se rayang. Potso e e simolodisang pelaelo mo go ba bangwe, e kanna morago fa go elwa tlhoko ka tlhthomiso, ya aga tumelo mo go ba bangwe.

Diphoso tsa Batho Ba ba nang le Selabe

Tota, go bua ka tlhamalalo, go na le dinako tseo maloko kgotsa baeteledipele mo Kerekeng baneng ka motlhofo ba dira diphoso. Go ka tswa gona le dilo dingwe tseo dibuilweng kgotsa di dirwa tseo di neng di se mo molemong wa boleng, melawana, kgotsa dithuto.

Ke akanya gore Kereke e ka bo esena selabe sepe fa ene ele gore e tsamaisiwa ke batho ba ba senang selabe sepe. Modimo ga ana selabe, le dithuto tsa Gagwe ga di kgothele-sega. Mme o bereka ka rona—bana ba Gagwe bao banang le selabe— mme batho ba ba nang le selabe ba dira diphoso.

Mo setlhogong sa tsebe ya Buka ya ga Momone re bala jaana, Mme jaanong, fa go na le diphoso ke diphoso tsa motho; jalo he, se kgaleng dilo tsa Modimo, gore le tle le fitlhelwe le le phepa kwa setulong sa ga Keresete.⁶

Se ke tselo eo e neng e ntse ele teng mme go tlaa nna jalo go fitlhela letsatsi la botlalo fa Keresete ka bo Ene a busa mo lefatsheng.

Go a swabisa gore bangwe ba bo ba kgopiwa ka ntlha ya diphoso tseo di dirilweng ke motho. Mme le fa gontse jalo, boammaaruri jwa pu-seletso ya efangedi eo e fitlhelwang mo Kerekeng ya ga Jeso Keresete ya Baitshepi ba Malatsi a Bofelo ga e phimolwe, kana e fokodiwa, kgotsa e senngwa.

Jaaka Kele Moaposetole wa ga Morena Jeso Keresete mme ke le mongwe yo o Ke boneng lantlha khansele le ditiro tsa Kereke e, Ke fa bosupi jo bo masisi jwa gore ga go na tswetso e kgolo eo e tsewang e ama Kereke kgotsa maloko a yone e e ka

dirwang go sa kopiwe ka tlwaafalo tlhotlheletso, kaelo, le kgotsofatso ya ga Rara wa Bosa khutlheng. Se ke Kereke ya boammaaruri ya ga Jeso Keresete. Modimo ga a kitla a letlelela Kereke ya Gagwe gore e fapoge mo tseleng eo e tshwanetseng gore e tsamaye mo go yone kgotsa e tsholwe go diragatsa phelelong ya yone ya selegodimo.

Go na Le Kamore ya Gago

Go bao ba ba ikgagantseng ba tswa mo Kerekeng, Ka re, ditsala tsame tsa mmamoratwa, go nale le gape lefelo go lona fana.

Tlayang mme le tlhakanyeng ditaelente tsa lona, le dimpho, le matlhagaga a lona go a rona. Re tlaa nna botoka morago ga maduo ao.

*Bangwe ba ka nna ba botsa ,
"Mme gone dipelaelo tsame tsone?"*

Ke ka bomotho go nna le dipotso—kagolo ya potsoloso ya bonnete gantsi golela le go tswelela mo setlhareng) sa oke wa go tlhalong. Go na le maloko a le mmalwa a Kereke ao, ka nako nngwe kgotsa tse dingwe, ga a ise a ba nne le ithuthuntsho ka dipotso tse di tlwaafetseng kgotsa tse di nenekeidiwang. Nngwe ya maikemisetsa a Kereke ke go otlala le go tlhagola peo ya tumelo—le mo gongwe mmung o o motlhaba wa pelaelo le wa ketsaketsego. Tumelo ke tsholofelo ya dilo tseo di sa bonweng mme dile boammaaruri.⁷

Ka jalo, barwarre le bokgaitadiake ba barategang—baratwa ba ditsala—ka tswee tswee, lwantlha belaelang dipelaelo tsa lona pele ga o belaela tumelo ya gago.⁸ Ga re a tshwanela go letlelela pelaelo gore e re tshware batshwarwa le go re tshegetsatshegetsa go tsweng mo loratong la selegodimo, kagiso le dimpho tseo di tlang ka tumelo mo go Morena Jeso Keresete.

Bangwe ba kanna bare, "Ga ke amogelesegile le batho ba Kerekeng."

Fa o ne o ka bona mo dipelong tsa rona, o ka bona gore o amogelesegile that mo o neng o sa go akanya. O ka nna wa gagamalela go fitlhela gore re na le dikeletsetso

le ditshokolo le ditsholofelo tse di tshwanang le tsa gago. Go goleng kgotsa kgodiso ya lona e kanna ya tswa e le pharologano go tsweng mo o go akanyang mo Baitshaping ba Malatsi a Bofelo ka bontsi, mme se e kanna ya nna lesego. Barwarre le bokgaitadiaka, baratwa ba ditsala, re tlhoka ditaelente tsa lona tseo di haphegileng le tebo ya lona. Dipharologano tsa motho le batho botlhe go dikologa lefatshe ke thata ya Kereke e.

Bangwe baka nna bare, "Ga ke bone gore a Ke ka tshelala sekalo sa lona."

Gotlhe mo go ntsi go tla! Kereke e bopetswe go otlala bao ba ba nang le selabe, bao ba ba sokolang, le bao ba ba lapileng. E tletse ka batho baba eletsang ka dipelo tsa bone botlhe go tshegetsatshegetsa melao, le fa ntswa gone ba ise ba e tshware ka botlalo gotlhelele.

Mongwe a ka nna are, "Ke itse leloko la Kereke ya lona leo eleng moitimokanyi. Ga ke kake ka tsena kereke eo e nang le mongwe yo o tshwanang jaaka ene ele leloko."

Fa o tlhalosa boitimokanyi ele mongwe yo o tlholwang ke go tshela a sena selape sepe mo go ene kgotsa bone ba se dumelang, ka jalo rotlhe re nna ba itimokanyi. Ga go ope wa rona yo o tshwanang le Keresete Jaaka re itse fa re tshwanetse go nna jalo. Mme ka keletso ya tlwaafalo re batla go fenyatshegetsa le moya wa go sekamela sebeng. Ka pelo le mowa re eletsatshegetsa go nna botoka ka thuso ya Tefo ya ga Jeso Keresete.

Fa ele gore se ke dikeletsetso tsa gago, ka jalo go sa kgathalesegile gore diemo tsa gago ke eng, ditso tsa gago ka bowena, kgotsa thata ya bopaki jwa gago, go na le kamore ya gago mo Kerekeng e. Tlaya, o kopane le rona!

Tlaya, O Kopane le Rona!

Go sa kgathalesegile go na selabe mogo rona rele batho, Ke na le tshepo ya gore o tlaa fitlhela gareng ga rona maloko a Kereke e a mantshi a mewa e e boleta ao lefatshe le le ka a fang. Kereke ya ga Jeso Keresete e

lebege e ngoka bao ba ba pelontle ba ba kgathalang, bao ba ba nnete bana le dinatla.

Fa o solofetse go bona batho bao ba ba tletseng, o tlaa nna ka maswabi. Mme fa o senka dithuto tse di sa leswafatswang tsa ga Keresete, lefoko la Modimo "leo le fodisang mowa yo o bolaisegileng,"⁹ le goitshapisa tlhotlheletso ya Moya o o Boitshapo, jalo koo o tlaa le bona. Mo dingwageng tse tsa tumelo eo e leng tlase—mo ngwageng ona o bontsi bo ikutlwang bo le kgakala le go tlamparella bomodimo—fana o tla a bona batho bao ba nyoretsweng go itse le go ikogela gaufi go Mmoloki ka go mo direla Modimo le bankabone, jaaka wena. Tlaya, le kopane le rona!

A Le Lona Le Tla Tsamaya?

Ke kakologelwa ka nako eo mo botshelong jwa Mmoloki fa bontsi bone bo Mo tlogetse.¹⁰ Jeso o ne a botsa barutwana ba Gagwe:

"A lelona le tlaa tsamaya/

"Ka jalo Simon Peter o ne a mo araba, Morena, re tlaa ya go mang? o na le mafoko a botshelo jwa bosa khutlheng."¹¹

Tse ke dinako tseo re tshwanellwang ke go araba potso e e tshwanang. A lerona re tlaa tsamaya? Kgotsa a re tlaa, jaaka Petoro, re itshwarelela go mafoko a botshelo jwa bosa khutlheng?

Fa o senka boammaaruri, karabo, le tsela eo o ka fetolang tumelo mo tiragatsong; fa o senka lefelo leo o ka nnang gone: Tlaya, kopane le rona!

Fa o tlogetse tumelo eo o kileng wa bo o e galaletsa: Boela morago gape. Kopane le rona!

Fa o raelesega go leseletsa: Nna gape sebakanyana. Go na le kamore ya gago fa.

Ke kopa ka tswetswee go botlhe bao ba utlwang kgotsa ba balang mafoko a: Tlaya o kopane le rona. Tla o rekegele pitso ya ga Keresete yo o bonolo. Tsaya sefapaano sa gago mme o Mosale morago.¹²

Tlaya, o kopane le rona! Fana o tlaa bona seo eleng boleng jwa bo

senang tlhwathwa.

Ke fa bopaki jwa gore fa o tlaa bona mafoko a botshelo jo bo sa khutlheng, tsholofetso ya tshhegofatso ya thekololo, le tselana ya kagiso le boitumelo.

Ke rapela ka thata gore tshenko ya boammaaruri ya gago e tlaa go sedimosetsa mo pelong ya gago keletso ya go tla go kopana le rona. Ka leina le le boitshepo la ga Jeso Keresete, amene.

DINTLHA

1. Bona Mathaio 16:18-19; Helamane 10:7.
2. Bona Dithuto le Dikgolagano 84:20.
3. Bona 2 Nefai 33:10.
4. Bona "A ke Dirile Bomolemo Bope?" *Sefela*, sa bo. 223.
5. Bona Mekwalwana ya Tumelo 1:11.
6. Setlhogo sa tsebe ya Buka ya ga Momone; bona Momone 8:17.
7. Bona Baheberwa 11:1; Alema 32:21.
8. Bona F. F. Bosworth, *Christ the Healer* (1924), 23.
9. Jakobe 2:8.
10. Bona Johane 6:66.
11. Johane 6:67-68.
12. Bona Mathaio 16:24.

© 2013 by Intellectual Reserve, Inc. All rights reserved. E gatisitswe mo USA. Tetla ya Sekgoa: 6/13. Tetla ya Thanolo: 6/13. Thanodi ya bo *Visiting Teaching Message, November 2013*. Setswana. 10671 763